

Protocol da la radunanza cumünala dals 26 favrer 2009, acta 01

Preschaintas: 69 personas.

S-chüsa: Georg Salomon

Il capo constata cha la radunanza saja gnüda convocada in basa a nosa constituziun cumünala e dumonda sch'inchün haja da far objecziuns.

Sar Dumeng Jann orientescha chi saja gnü inoltrà üna pretaisa in scrit da ca. 60 personas chi pretendan chi gnia orientà sur da differentas dumondas, tanter oter eir üna chi tanghescha il lavuratori cumünal. El dumonda cur chi vain fatta quista radunanza d'infuormaziun.

Il capo orientescha cha bleras dumondas han da gnir amo scleridas plü a fuond, impustüt quellas chi's referischan sül svilup futur da 1. e 2. abitaziuns. La dumonda schi fa dabsögn d'eriger ün lavuratori cumünal in vista da las pussiblas fusiuns da cumüns as poja dir ch'ün lavuratori cumünal es eir davo necessari in tuots cas. Per üna radunanza d'infuormaziun chi tratta da dumondas inoltradas s'impuonda üna saira intera ed i's prevezza da far quista sairada d'infuormaziun aint ils prossems duos mais.

I segua üna lunga discussiun a regard entrar illa tractanda principala ed i vain fat la proposta da metter inavo la tractanda sün plü tard.

La radunanza decida dad entrar.

I vegnan nominats seguaints scrutinadurs:

Mina Mader, Roland Franziscus ed Armon Nuotclà

Tractandas:

1. Protocol da la radunanza cumünala dals 18 december 2008, acta 16

L'actuar prelegia il protocol da l'ultima radunanza cumünala. Il protocol vain cun duos correcturas approvà.

2. Lavuratori cumünal Palüzot – Credit brüt da fr. 1'590'000.--

Il schef da fabrica, Chasper Alexander Felix, orientescha in detagl sur da l'investiziun previssa aint in Palüzot. Subvenziuns asgüradas sun da spettar ca. fr. 420'000.-- davart da l'Uffizi da god e ca. fr. 140'000.-- davart da la Sgüranza d'edifizi. La resposta per ün eventuala contribuziun davart dal Padrinadi per cumüns da muntogna ais amo pendent. I segua ün' animada discussiun cun differentas dumondas.

Lavuratori cumünal
Palüzot, credit
fr. 1'590'000.--

Critchà vegnan impustüt ils seguaints puncts:

- La posiziun sül schler da defaisa impedischa dad eriger oters fabricats, p.ex. abitaziuns per indigens. Quel lö es ün dals pacs lös in possess cumünal.
- Ils cuosts dad 1.6 milliuns sun massa ots.
- Il mumaint per far il proget es massa bod, i füss stat da tour temp per far daplüs stüdis da planisaziun. I manca üna zona adattada da mansteranza o d'industria, i füss da chattar ün lö adattà per quella.
- Il cumün stuvesch preverer otras investiziuns plü necessarias, impustüt ill'infrastructura cumünala.

Il capo e' l schef da fabrica argumenteschan cha tant a regard il proget sco eir a regard il lö saja gnü fat a lur avis, sclerimaints a bastanza e chi saja progettà in ün möd per optimar ils cuosts.

Sar Dumeng Jann fa la proposta da spostar la tractanda.

I segua ün scrutin chi ha il seguaint esit:

La radunanza cumünala sbütta la proposta in scrutin serrà cun 41 cunter 25 vuschs (3 vödass).

I seguan amo votums per e cunter il proget.

La radunanza cumünala decida in scrutin serrà cun 40 cunter 27 vuschs (vödass 2) da dar il credit brüt da fr. 1'590'000.-- per eriger ün lavuratori cumünal a Palüzot sül schler da protecziun.

3. Indriz fotovoltaic Palüzot – Credit brüt da sfr. 453'000.--

Il schef da fabrica, Chasper Alexander Felix, orientescha in detagl sur da l'investiziun previssa aint in Palüzot. L'indriz gniss montà süll'ala dal tet vers süd dal lavuratori.

L'energia prodotta vain inviada illa rait electrica. Il cumün ha survgni la pussibilità da far ün contrat cul EWZ (Elektrizitätswerk Zürich) chi garantischa ün predschi interessant per l'energia furnida.

I seguan plüssas dumondas chi vegnan respusas.

La radunanza cumünala decida in scrutin serrà cun 30 cunter 18 vuschs (vödass 1) da dar il credit brüt da fr. 453'000.-- per eriger ün indriz fotovoltaic a Palüzot.

4. Varia

1. Plazza da sport

Il vial per lung da la plazza da sport passa fich dastrusch sper la plazza via e vain per rivar nan cun material traffichada eir da camiuns. In connex cul proget dal lavuratori füssa da ponderar da realisar ün vial per quel scopo ün pa plü amunt. Il motiv principal es la sgürezza pels uffants.

Fin da la radunanza: 23.10

L'actuar:

Indriz fotovoltaic
Palüzot,
credit fr. 453'000.--

Varia